

Izjava OHR-a na konferenciji za medije međunarodnih organizacija

Trebinje

Prije sat vremena počeo je sastanak sastanak šefova Regionalnih ureda međunarodnih organizacija s načelnicima općina istočne Hercegovine u Trebinju. Oni traže načine na koje međunarodna zajednica može pomoći domaćim vlastima u stvarnom poboljšanju situacije u regionu.

A za pola sata **Koordinatora međunarodne zajednice za istočnu Hercegovinu, Anatoly Viktorova**, i predstavnika lokalnih vlasti će se obratiti medijima.

Ovom prilikom želim da vas posjetim na pismo koje je visoki predstavnik, Paddy Ashdown, uputio jučer načelnicima opština istočne Hercegovine.

U svom dopisu, Visoki predstavnik opisuje svoja iskustva stečena tijekom posjeta toj regiji početkom maja mjeseca, naglašavajući kako je u svim svojim kontaktima s ljudima te regije bilo očito da “postoji nekoliko pitanja koja bi, ukoliko ih lokalne vlasti budu rješavale na odgovarajući način, uz pomoć međunarodne zajednice, mogla načiniti promjenu i poboljšanje osjetnu u svakodnevnom životu.”

Unutar međunarodne zajednice postoji suglasnost o koracima koje bi međunarodna zajednica, zajedno s vlastima pomenute regije, poduzela za postizanje osjetnog poboljšanja u istočnoj Hercegovina. U svom dopisu, Visoki predstavnik ističe; unapređenje prekogranične suradnje između BiH, Srbije i Crne Gore i Hrvatske, unapređenje općinske administracije te pomoć načelnicima općina da regiju otvore za ekonomski razvoj –

kao glavne prioritete međunarodne zajednice.

Visoki predstavnik također poziva općinske načelnike “da intenziviraju svoje napore u području ekonomske reforme, vladavine prava, primjene imovinskih zakona, pravosudnim reformama i u bitci protiv zajedničkog neprijatelja – korupcije i organiziranog kriminala.”

Dodao je još i da “mi moramo osigurati da istočna Hercegovina ne zaostane za ostatkom BiH kako se približavamo Europi. Mi to dugujemo ljudima istočne Hercegovine.”

OHR pozdravlja osnivanje finansijske istraživačke grupe FBiH

Viši zamjenik visokog predstavnika ambasador Bernard Fassier , danas je poslao pismo direktorima carinske uprave FBiH, porezne uprave FBiH, finansijske policije FBiH, policijske uprave FBiH I FOSS-a pozdravljajući njihovu inicijativu da koordiniraju napore i ostvare bliže saradnju.

“Inicijative lokalnih vlasti, kao što je ova, su indikatori odlučnosti institucija, koje se bore protiv kriminala, da rade svoj posao”, rekao je ambasador Fassier u svom pismu, te dodao da su “visoki predstavnik i OHR od ranije ukazivali da se priroda kriminala u BiH mijenja i treba uvesti nove mjere i inicijative da bi se suprostavili što efikasnije.”

“Značjano orudje uborbi protiv kriminala su novi Krivični zakon i Zakon o krivičnom postupku FBiH, koji su jučer usvojeni u Domu naroda FBiH”. “Odlučnost institucija FBiH, zajedno sa modernim zakonima, siguran sam, će osigurati stvarne rezultate u borbi protiv kriminala”, rekao je ambasador Fassier u svom pismu. Ambasador Fassier očekuje slične domaće inicijative “koje će unaprijediti saradnju izmedju državnih struktura, kao i u enitetima”.